





1701

H. XIII. II.



Liber  
Novo Tacin.  
937/VI.



Henrici Nicolai.

1. Disputatio de Potentia in rebus.
2. Diss. de Synonymo et Paronymo.
3. Gymnasium Logicum.
4. Tractatus de Pane edit. 1644.
5. Gerethlia five Natalitia ed. 1642.
6. Dehincatio Colloquii inter Valerianum Magnum, Capuccinum  
et Henricum Nicolai.
7. Erklärung des Christl. Catech. IV. 4. Secunda editio.
8. Anatomie Papiſmi impietatis Jesuitici.
9. Natſurlich-Verſtand Kundſchafft bey der Logik Logicaeque Henrici  
Nicolai geſaltam.



# DE PANE EJVSQVE NATVRA

## Exercitatio III.

### De contrarijs & divisionibus Panis.

#### THESIS XXXX.

**I**nter Contraria Panis *mucor & mucositas* t. 39. *relata sunt.*  
*De his ulterius queritur* 2. Cur panis, licet verustate mu-  
 cescat, indurari tamen in modum lapidis queat? *Quid*  
*panis lapidosus per tropum notet.* th. 29. *sactum.* Hic de pane  
*contra tropum lapidescente queritur.* Ejus exempla Autoribus  
 sunt annotata. Crassorus in l. 4. Meteor. Arist. panem cum  
 incluso pisce percoctum, diuq; terrâ obiectum, postea inventum  
 esse lapideum narrat. In Museo Calceolariano Veronensi duos  
 panes lapidosos, miliaceum & secaleum, servari nota Ren.  
 Moreau in Salernit. s. 2. c. 17. Qui adeò veros panes referant,  
 ut ignarum vulgus facile decipiant. In Monasterio Olivensi in  
 viciniâ Urbis nostræ lapidem in templo ostendunt, qui ex pane  
 vers<sup>o</sup> sit. quòd mendicis pauperi panem rogâti dare recusârit, &  
 se lapidem tantum ad abigendos canes in perâ habere causatus  
 sit. V. Henneberg. hist. Pruss. p. 339. Parieti inclusus iste la-  
 pis adhuc hodiè per vitrum ostenditur. Mulier quaedam Mace-  
 doniana heresios panem consecratum à Chryostomo quasi eam  
 manducatura accepit, sed ancilla eum asservandum tra-  
 dens profanum loco Eucharistici manducavit, qui continuo in  
 lapidem conversus est. Sozomenus l. 8. h. c. 5. Nicephor. lib.  
 13. c. 7. Hæc ultima si vera, miraculo divino adscribenda sũt. Cæ-  
 terorum causa est, vel quia panis terrâ obrutus succum quendâ  
 lapidescentem à terrâ imbibit, cujus beneficii in lapidem abit:  
 vel frigore terra velut cõgelatus induratur: Vel lapis in mate-  
 riam similem analogam veluti formam inducere potest: Vel pe-



culiari terra natura panem obruentis id adscribendum, qua interdum res in lapides convertere potest, quomodo limpidae quaedam aquas in lapides concrefcere, & injecta sibi in eosdem convertere scimus: Vel simulacra & imagines lapidis isti panes sunt, non genuini lapides, & natura in illorum lufis imagine, ut & in aliorum operum solet, ut Metallica res inprimis restatur, ubi penè omnium rerum imagines adumbratas videmus. In sacris velus opposita ponuntur, panis & lapis, quasi admodum inconsistentis, ut Matt. 4. v. 3 Luc. 11. v. 11. Ratio si queratur, est, quòd lapis ad nutriendum prorsus inhabilis, panis autem vi multum nutriente est pradiu, c. 17. Quidam allegoricè diabolum panes lapidosos offerre ajunt, non ut nutriat, sed ut magis noceat: panes offerre, ut lapides, delicias mundanas, ut percutiat: Nec unâ manu panem ostendere, alterâ lapidem, ut proverbium habet: sed simul cum pane lapidem miscere, ut non tam pascat, quàm perimat. Lapide insensibiliorum esse, qui lapideo hostis pane, j. e. lapidosi mundi illecebris decipi se ac falli patiatur. Conf. in hunc sensum Novarinum l. 1. elect. sacr. c. 4. n. 266.

41. Quae materiam panis, frumentum, corrumpunt, vel homines esse possunt, quomodo Simson Philistaorum segetes incendit, ludic. 15. v. 5. Alij aliorum segetib. damnum intulerunt, aut fruges jam collectas dissiparunt, quorum exempla ap. Zuingerum Vol. 5. l. 3. vide. Ita Princeps aliquis Palatinus hostibus captis panes negavit, quòd miles eorum fruges & segetes perdidisset. V. Manli. p. 272. Collecta. Vel bruta, ut mures, glires, locusta, à quibus ingens damnum interdum frumentis illatum est. Exempla Idem vol. 18. l. 2. habet. Sic locusta Aegyptia ingens frumentis damnum intulerunt. Exo. 10. v. 14. 15. Vel aeris intemperies, fruges validè interdum corrumpens, & consequenter panis ac annona caritatem inferens. Exempla Zuin-

Zuinger  
horru  
sâ an  
quada  
rem fer  
lacti in  
tare pos  
sticum  
aut pi  
à valg  
fit. Ab  
nec pan  
comed  
pro cib  
superv  
mihip  
gressus  
nitere  
convi

42.  
venef  
bare  
puos u  
pane  
dâ ar  
tius à  
cum v  
babil  
173. di  
ustita  
ne pos



Zuinger. c. l. & Serarius in c. 10. Josu. q. 11. habens. Qui panem horruerunt, aut eo non usi sunt, illi sunt, qui naturali & occultâ antipathiâ panem ferre aut edere nequiverunt. Ut virgo quadam Chaunis in Piccardiâ 16. annorum fuit, quæ panis odorem ferre nequiss. Solo lacte victitavit. & ubi vel micam panis lacti injectam sensit, horruit, & ex longinquo per odorem id noscere potuit. Brüjerinus l. 2. d. cibis c. 6. Idem l. 1. c. 24. rusticum se in Normandiâ vidisse refert, qui nec carnes, nec panes, aut pisces, unquam comederit, sed solis ovis vixerit, undè à vulgo mussela dictus, quòd id animal ovorum avidissimum sit. Abrahamus Carrarum Pontifex toto Episcopatus tempore nec panem, nec legumina, nec olera, quæ igni appropinquassent, comedit, nec aquam bibit. sed lactucas, intyba, apia, & similia pro cibo & potu habuit, coquorum & pistorum artes ostendens supervacuas, narrante Theodoretò in hist. S. Patrum T. 2. mihip. 513. Pambo Abbas ex eo tempore, quo monasterium ingressus est, nec panem se comedisse, nec quidquam, cuius se pœniteret, dixisse moribundus confessus est. Albertinus tract. de convivij, §. 1.

42. Qui pane abusi sunt, illi esse possunt, qui eo vel ad veneficia sunt usi, quod zauberbrodt/ bngesehene & bnsichtbare Brodt vocant, & apud Magorum ac lamiarum praeceptos usitatus est: Quanquam satè distinctè negotium de hoc pane cognosci vix poterit, cum occultissimè & pro præcipuo quoddam artificio magi cum asserunt. Apud Romanos Aul. Cluentius à T. Attico Pisaurensi accusatus est, quòd Oppianicum vitricum veneno in pane dato sustulisset. Quod Cicero pro improbabili, novo, & prorsus incredibili habet, Orat. pr. Cluent. §. 173. dicens: lam verò illud, quàm non probabile, quàm inusitatum, quàm novum, In pane datum venenum? Facilius ne potuit, quàm in poculo? Latentius potuit, abditum aliquà in



parte panis, quam si totum colliquefactum in porione esset? Celerius  
 potuit comesum, quam eorum in venas atq; in omnes partes  
 corporis permanere? Facilius fallere in pane, si esset animadver-  
 sum, quam in poculo, cum ita confusum esset, ut secerni nullo  
 modo posset? Vel qui ad fures explorandos eo abutuntur. V. g.  
 28. Vel contemptim & Epicureo modo eum usurpant, nec o-  
 rantes super eo accipiendo, nec de accepto gratias agentes, ut A-  
 thei, Epicurei, Impij, & contemptores rerum divinarum so-  
 lent. De quib. recte dicitur: Ad mensam residens & cibo  
 non benedicens; Hic residet ut fuscus, & surgit ut alter asel-  
 lus: Vel qui pani cubito incumbant, quod pudendum Siracidés  
 c. 41. v. 24. ait, Vereq; rusticatum & incivile, ingens irrever-  
 rentia in Deum, superbia, gulositas & contemptus in creatu-  
 ram est signum, quomodo porci siliquis, & boves pascuis incu-  
 bare solent. Alij allegorice magis, quam proprie, id exponunt, ut  
 Palacius, Rabanus, Lyranus, alijq;. Sed proprius sensus est con-  
 venientior: Vel qui idolis & fictitijs numinibus proventum  
 aut copiam ejus assignant, ut impij Judai, Ierem. 44. v. 17.  
 Hofe. 2. v. 5. Et gentiles, qui varijs fictitijs Dijs inventionem  
 eius tribuebant, V. d. I. c. 13. Vel ad nefanda sacrificia eo utun-  
 tur, quomodo Opisha s. serpētini serpētis, quē colebant, eo quod ipse  
 pomum vetitum suggerendo principium cognitionis boni & ma-  
 li primis parentibus fuisset, panem offerebant, & serpens in-  
 cantamentis occupatus de speluncā altari vicinā egrediebatur,  
 aramq; conscendens panem eorum lambebat, & se circa oblati-  
 ones devolvens iterum ad speluncam regrediebatur. Quo pera-  
 to oblationes in Eucharistiam confringebant, quasi a serpente  
 Christo, ut illi putant, sanctificatas. Vt Epiphanius hær. 37.  
 Et Lutzemburg, in Cat. hær. de Ophitis narrat. Putaturq;  
 isse serpentis cultus a Nicolaitis, quorum Apoc. 2. v. 6, 15. me-  
 tio, ad eos deductus, ut Lutzemburg. c. 1. addit.



43. Similiter & huc illi pertinent, qui ad luxum, mundanam nequitiam, & simile quid pane abutuntur. Sic Romani olim faciem pane madido liniebant, ut levigarent eam. Sueton. in Oton. §. 12. Faciem quotidie rasitare, ac pane madido linere consuetum: idq; instituisse à primâ lanugine, ne barbatus unquam esset. Juvenal. Sat. 2. v. 104. seq. de hoc ipso Othone loquens: Et curare cutem summi constantia civis. Et pressum in faciem digitis extendere panem. Quod nec in Assyrio pharetrata Semiramis orbe. Mastâ nec Aethiâ fecit. Cleopatra carinâ. Sat. 6. v. 462. Interea fœda aspectu ridendaq; multo Panetumes facies. Et illum quidem lacte asinino macerasse v. 469. notat: Juvenal. Incipit agnosci, atq; illo lacte fovetur. propter quod secum comites educit a fellas. Exul hyperboreum si dimittatur ad axem. Sed quæ mutatis inducitur atq; fovetur tot medicaminib; coctâq; siliginis offas accipit & madida, facies dicatur an ulcus? Ferrur enim lac asinum teneram, erugatam, candidam, reddere & servare cutem. Quare Poppæa Neronis uxor, ad quam alludit, in exilium missa 500. asinas secum ad cosmeticen & emendandam faciem duxit. Plin. l. 11. c. 41. & l. 28. c. 12. Et candidi panis è siligine, fabâ aut oryzâ cocti, lacteq; asinino macerati offa ad politiem faciei facere similiter creditur. Item qui panem in oblectamentum sibi projiciunt, vel ultra modum eum sumere alios cogunt, ut morbos mortemve inde sumentibus concilient, quod furys militaribus per hodiernas civiles discordias usurpatum iragica seculi docuit experientia: Aut alias indebito modo panes tractant, Aut ad incompetentes fines adhibent. Sic Episcopus Moguntinus quosdam Cœnâ sub utraq; specie usos in carceratos fame necare voluit: Et procul panem & vinum ostendi jusser, cum verbis additis, Accipite, comedite: accipite, bibite. Manlius Collect. p. 89. Ita Muscos quosdam Regis Sigismundi,



cum in Sueciam venisset, à militibus Caroli truncatis manibus mari injectos Trisarolus in refut: Orat. Scytten. p. 125. tradit, quib. panis in os datus, adjecto convivio, ut quia piscatoriâ religione uterentur, de piscium captura obsonarent. Clemens V. Papa Francisco Vandalo Venetorum Duci sub mensâ velut cani detento panes & cibos superbe projecit. Sabellic. dec. 2. l. 1. Parthorum Rex in lectulo discumbens convivis in terrâ sedentibus, panes cibosq. ut canibus projicit, quod xv. si oratio caninè cibari est. Alsted. 3. Eth. c. 25. Et que hujus generis esse plura queunt.

44. Ad pane abutentes & illi perstinere queant, qui varijs commentis de pane fictis tanquã veris, hominibus illudunt. Quælia apud Rabbinos complura. Ita de tribus Rabbinis 12. annis in speluncâ occultatis fingunt, quòd fame conflictañtibus DEUS arborem eduxerit, panem S. Ioannis, ut vocant, ferentem, & aqua scaturigenem prorumpere fecerit, referente D. Heluico in legend. Jud. p. 1. c. 11. De Rab. Chaninâ fingunt, quòd corvo & cani in itinere de fame querentibus panis frustra suppeditarit, Cuicorù in gratitudinẽ aquam ex inferno & paradiso ad postulatam Regina cujusdam suppeditaverit. & canis anulum ex aprì corpore extraxerit, apro in frustra dilacerato. Idem c. 15. De filio sancti alicujus fabulantur, quòd panem piscibus quotidie projicere jussus tandem à Leviathan devoratus iterumq. ejectus & cognitione 70. linguarũ instructus fuerit, quã garrulum avium intelligens à cornice de ingenti thesauro abscondito edoctus ditissimum in hominem evaserit. Id. c. 23. De R. Hunâ narrant, quòd placentam carceris figurâ coquens in eaq. se abdens pluviam à DEO impetrarit, cujus gutta orificium vasis vinarij quantitate equavit, & mensuram aqua singula continuerint. Id. p. 2. c. 21. Quamquam subsiliores Rabbini pro placentâ circum interpretantur. Significãs Hebraum ארץ circulum & am-

bitum.



bitum, quemodo intra circulum consistens orarit, quod & de  
Mose & Habacuco narrat, quod DEum pro populo orantes cir-  
culo se incluserint. Quod & magis solenne esse novimus, cum  
spiritus adjurare, alia vè magica patrare volunt. De R. Chelkiâ  
referunt, quod filius panem distribuens majori unum, minori duo  
frusta assignavit. Causam rogatus, maiorem domi quotidie  
esse, ideoq; cibum sibi, quantum luberet, sumere posse, minorem  
in ludo literario vivere, eoque majorem partem ipsi suppedi-  
tandam responderit. Id. c. 29. De Sodomitis narrat, præter alia  
scelera & hoc apud eos viguisse, quod mendicis nemo panem,  
sed monetam nomine suo insignitam erogavit. Mendico a, ine-  
diâ extincto quilibet accesserit, suamq; monetam iterum ab-  
stulerit. Mulierem aliquando panis aliquis mendico erogasse.  
Quo cognito reliquos denuatam illam melle totam inunxisse,  
ac soli exposuisse, donec apum aculeis puncta expiravit. Id. c. 35.  
Apud Ezechielem c. 16. v. 49. inter peccata Sodoma recen-  
setur, quod egeno non auxilium præstiterint, manumq; paupe-  
ris non confirmarint. An hoc modo id præstitum, ambiguum  
est. Inhospitalis ipsos fuisse ex Gen. 19. v. 2. s. 9. patere potest.

#### Auctaria.

Ad t. 17. p. 25. hujus sectionis hæc addi possunt. Universalis  
etiam panis cibus est, quia omnia membra simul ille alit, cum  
reliqui cibi ferme particularibus membris sint accommodati, nu-  
mumq; melius & commodius, quam alterum nutriant. In fra-  
cto panis nutrimentum omnium membrorum simul est, &  
virtus ejus universo corpori ejusq; partibus restaurandis con-  
veniens est. Conf. Iren. 2. v. 12.

Ad t. 28. De temperanter assumendo pane Senecam l. i. ep.  
123. vide.

Hæc de Pane in genere cum DEO  
pro sectione priore discepta-  
ta sunt.



## DE PANE eiusq; Naturâ

SECTIO POSTERIOR.

Varia Panum genera recensens.

## THESIS I.

**P**hilosopho assignatum olim à Stoicis, non quæ ante pedes & in terrâ solum, speculari: sed & velut ijs non contentum animum ultrâ porrigere, ac ad DEUM & divina proferre, & quæ circa illa sunt, meditari. Idem hodieq; in Philosophiâ observari apertum est. Pars ejus ad DEUM Spiritusq; meditari incendit, nec oculis contenta majus quiddam poterisq; suspicatur, quod extra conspectû Naturæ posuerit. Sed in his solis opera non collocâd, & cœlestia speculanda, relictis aut despicatui habitis, quæ ante oculos pedesq; sunt. Secus non injustè risum ancille cum Thalete mereamur aut illud Socratis occensum audiamus. Roquando de cœlo descendisti, ut illa videris? Etiâ illa cogitatis & discussionib; perlustranda, quæ in terris miranda observamus, aut discussu digna. Nec inferior hæc à miraculo cessat aut abhorret Natura. Panis solus exemplum sit, mirabile ac communissimum hominû alimentum. Videt præcedens sectio miracula ac usus quotidiani & utilissimi nobis obsonij. Ejus naturam vestigare nec minus necesse est, ac cœli plagas lustrare; nec minus utilitatis aut jucunditatis junctum habet. Iam porro animum in multas variasq; panum rationes & modos intendamus, & mirabiles panum varietates cum DEO perlustremus.

2. Cum panis nomine communissimè varia admodum ciborum genera notemus, quorum quadam improprie panes appellantur, cum sub nominis communione diversam planè ab pane habeant naturam: quadam proprie & magis presso significato: Vt universum illud genus amplâ quadam divisione, quæ

si non

si non  
plectam  
mum in  
ctus eri  
teria est  
animal  
Improp  
men pan  
3. li  
general  
analog  
reus, q  
prorsu  
singula  
operè h  
Israélite  
cum ad  
hoc pan  
munt. A  
dat spir  
Sic Chr  
Quia ci  
Ioh. 6.  
pud Phy  
dum mi  
Sic ap. R  
in ihus  
ris aliq  
celitus  
Hoc m  
16. v. 15



si non rei ipsius, saltem nominis in re sit distinctio, *complectamur, in antecessum velut panem communissimè dividimus* in propriè & impropriè dictum. Panis propriè dictus erit, qui materiam & formam veri panis habeat. *Materia est farina ac aqua: forma, masticabilis ad nutricandum animal consistentera.* Prout hac ex precedenti sec. 1. 10. patens. Impropriè dictus, qui illa non habet, sed aliud quid, aut nomen panis ex analogiâ vel homonymiâ obtinet.

3. Impropriè dictum panem primò lustrabimus, ejusq̃ generalem velut divisionem pralibabimus. Improprius sive analogicus panis vel corporeus, vel spiritualis est. Corporeus, qui massâ & substantiâ corporeâ est præditus. Hic vel prorsus singularis & extraordinarius, vel quodammodò singularis esse potest. Prorsus extraordinarius, qui nullâ vi opere humanâ est introductus, sed divinâ. Talis fuit manna Israëlitarum in deserto, quem panis nomine vel absolutè, vel cum additamento in Sacris venire sect. 1. t. 3. notatum. De hoc pane quædam in nomine, quædam in re notanda veniunt. In nomine, 1. Homonymia. Vox manna interdum notat spiritualem quædam rem, analogiâ manna respondentem. Sic Christus vocatur manna absconditum. Apoc. 2. v. 17. Quia cibus spiritualis ad vitam æternam fideles enutritus est. Ioh. 6. v. 48. 49. seq. Interdum roris certum genus. Sic apud Physicos & Pharmacopæos manna Calabrina dicitur. Interdum micæ thuris è guttus majoribus vectura concussione elisas. Sic ap. Plinium l. 12. c. 14. Et antiquis Medicis thuris substantia in thuris corticem ejus, & manna, divisa fuit, quod pollinem thuris alij dixerunt. Interdum cibum Israëlitarum per 40. annos cælitus subministratum. Ita in Exodo passim. V. lect. 1. t. 3. Hoc modo hic sumitur. 2. Etymologia. Illa explicatur Exod. 16. v. 15. 31. Videntes Judæi, quid extra castra è nubibus descen-

1

disset,



dissei, מן דרז dixerunt: postea vocarunt מן, Vbi 2. מן inter-  
 rogativum & admirativum quidam habent, dictum: Quid  
 hoc? מן enim Arabibus, Syris, Chaldais, Aegyptijs, idem est,  
 ac Hebrais מן. Aegyptiorum autem lingua tum eos usos, cum  
 noviter ex Aegypto egressi essent, non incredibile est Drusio ad-  
 loca Exod. c. 27. Et ad hanc rationem multi interpretes. Ut LXX.  
 Vulgatus, Josephus l. 3. ant. c. 1. Origenes, Hieronymus,  
 Theodoretus, Cyrillus, Arias Montanus, Corn. à Lapi-  
 de, Janfenius, Rungius. aliq. Sed è arverso alij illud nomi. &  
 liter vertunt, ac אהרן deducunt, ut sit idem ac portio, pars, m-  
 nus, donum preparatum. Et hoc comodiùs. Sic. convenien-  
 nominis cum re ipsa, erat n. manna revera munus divi-  
 nitus paratum; determinata Israelitarum appellatio, v. 31. 33.  
 35. & Num: 11. v. 6. & libri Sapientia c. 16. v. 20. pane in par-  
 tam explicantis confirmatio aperitè docent. Ita Lutherus, Ju-  
 nius, Vatablus, in Exod. 16. Scharpius in symphon. à  
 epoch: 4. q. 28. Buxtorfius in Lex. D. Walterus d. Man-  
 na, §. 15. Martyr. clas. 2. L. Com. loc. 16. §. 18. aliq. 3. Sy-  
 nonymia. Dicitur etiam cibus, esca vel panis Angelorum v. 9.  
 se. 1. t. 3. esca Ambrosia, Sap. 19. v. 20. q. quòd immortales de-  
 ceat, quomodo Poeta nectar & Ambrosiam nutrimenta DE riu-  
 putant. Caeli triticum, Ps. 78. v. 24. quòd frumenti loco à DEO  
 caeloq. daretur: panis de caelo, Exod. 16. v. 4. quòd ex nubibus de-  
 missus: frumentum caelorum, vel quòd ex aere descendit, cae-  
 lum enim interdum pro aere, ut volucres caeli; vel quòd DEO  
 preparatum, Caelum enim pro DEO quandoq. sumitur, Luc. 15.  
 peccavi in caelum: esca spiritualis 1. Cor. 10. v. 2. quòd prae-  
 nature cursum spirituali & miraculoso modo data fuerit, &  
 spiritualem typum ad verum manna caeleste, Christum gesserit,  
 ut 1. 10. patebit. Alij & quòd spirituum beneficio, hoc est, ange-  
 lorum vel Christi Israelitis data fuerit. V. Bellarmin: l. 2. d.

Sacram.

Sacram  
 1. Cor.  
 nicl. 2.  
 phylact.  
 Achan-  
 num,  
 Potius  
 dici ai-  
 rint cre-  
 potusq.  
 quem p-  
 quid si-  
 spiritu  
 ficatio  
 potum  
 4.  
 sonce  
 rum e.  
 Papis-  
 si salu-  
 et, quò  
 erint.  
 Judae  
 dicit I  
 Nec si  
 consta-  
 na, qu  
 alis ce-  
 ac con-  
 tia, &  
 tualis



Sacram. c. 17. Qui Chrysoſtomum & Theophylactum in  
 1. Cor. 10. id dicentes allegat. Cui acriter ſe Chamier oppo-  
 nit l. 2. d. Sacram, c. 2. §. 11. ſeq. & nec Chryſoſt. ani The-  
 phylactum id dicere cōtendit, ſed potius Ambroſ. Anſhelmū,  
 Athanaſ. Sedulium, Haymonem Halberſtatenſem, Lyra-  
 num, Lombardum: Nec ſi dicant, continuo certum fore.  
 Potius ratione ſpiritualis ſignificationis & effectus in Iudæis ſic  
 dicitur, quòd in manna ipſum Chriſtum ſpiritualiter comede-  
 rint credentes Iudæi, perindè ut nos in Euchariftiâ, & ſic cibus  
 potusq; ſpiritualis manna & aqua propter Chriſtum fuerint,  
 quem ſignificarint. In Sacramento non attendi, quid ſint: ſed  
 quid ſignificent: Nec Chriſtus aliter cibus aut potus ſit, quàm  
 ſpiritualiter, ne in Cœnâ quidem. Et cum ſpiritualis ſigni-  
 ficatio effectum ſit Sacramentorum, idem ſit dicere, cibum  
 potumq; ſpiritualem vocari ob ſignificationem, & ob effectum.

4. In hac Authorum diverſitate, quædam contra Papiſtas  
 ſonedi poſſunt, Vt, efficaciam ſpiritualem remiſſionis peccato-  
 rum eandem in Sacramentis V. T. fuiſſe, qua in noſtris, quòd  
 Papiſta aliàs negant: Iudæos nonniſi ſpirituali eſu potuq; Chri-  
 ſti ſalvari potuiſſe, ut & nos: Mannam & aquam ſpiritualia di-  
 cit, quòd ſpiritualiter Chriſtum figurarint, ejuſq; myſtici typi fu-  
 erint. Sed tamen quædam meris hypotheſibus nituntur, Vt  
 Iudæos eandem eſcam ſpiritualem nobiſcum comediſſe, quòd nec  
 dicit 1. Cor. 10. Apoſtolus, ſed inter ſe eandem comediſſe ait:  
 Nec ſi diceret, ſtatim noſtra Sacramenta eum Veteribus eadem  
 conſtare ſubſtantia ſequeretur, ut inde non aliter nobis in Cœ-  
 nâ, quàm illis Chriſtum præſentem diceret. Illorum n. ſpiritu-  
 alis cibus in typo, umbrâ, & futuri, nandum realiter præſentis  
 ac conſtituti figuratiōe fuit: Noſter in antitypo, corpore, ſubſtã-  
 tia, & realiter præſentis ac jam conſtituti exhibitione. Spiri-  
 tualis illorum cibus fuit, quia ſpiritualis cibi typus: Noſter, quia



ipsa mystica & spiritualis substantia est. Nobis ut in carne jam exhibitus & realiter in substantiâ præsens: Illis ut futurus, exhibendus, expectandus, & intentionaliter in typis & figuris, manna, aqua, aspiciendus & percipiendus, non in ipsa substantiâ & corpore comedendus exhibebatur, cum nondum illa tunc assumpta, sed suo tempore assumenda. Comederunt carnem Christi, sed spiritualiter in typo manna significatam: Nos substantialiter in corpore jam exhibitam. Ipsorum n. gesta typi nostrorum fuerunt, v. 6. At typos rerum & antitypos, umbras & corpora, figuras & soliditates ac exhibitiones, ejusdem substantiâ dicere accuratus loquendi modus non permissus. Cum autem de Sacramentorum substantiâ traditur, exhibitiones illas omnino implicare oportet, si eandem illi substantiam assignare velis. At exhibitiones in Sacramento V. T. & nostris diversissima & opposita sunt. In illis res ipsa absens, nobis præsens: in illis, ut futura, nobis, ut exhibitâ, illis sub umbra & imagine, nobis substantiâ & veritate adest. Et typicam illam comestionem & bibitionem Apostolus insinuat, cum de petrâ eos bibisse, non absolutè ipsam petram dicit, & in malsu DEO displicuisse tradit, quod de verâ spirituali Christi perceptione non dicendum, quæ semper salutaris, Joh. 6. v. 53. 54. Vt alibi plenius discipatur. Deinde & effectum Sacramentorum esse spirituales significationem, falsum est. Collatio potius & ob signatio gratiæ Evangelicæ est: Significatio tantum adjunctum aliquod. Et jam id vix solitum, ob effectum & significationem spirituales sic dici, non causam. Subordinata enim hæc, & utraq; conjungi possunt, ut & Patres ac Scholastici quidam ferme conjungunt. A Christo dabatur manna & aqua, tanquam à petrâ comitante, 1. Cor. 10. v. 4. & ab hac sub typo aqua biberunt, & sic spirituales potum biberunt.

5. In re hujus panis quædam absolutè, quædam comparatè,

tè obser  
nes. De  
ralis, pe  
mus, in  
in defen  
panis, q  
tur, eoj  
Canaan  
prij pan  
corporis  
Israelit  
pus per  
nalogia  
stentia  
sistens  
non vs  
Syriâ,  
regioni  
gitur ci  
vocamus  
6. d. al  
deantiu  
cum ho  
eadem  
14. Nu  
tinuerit  
Manna  
rabanti  
locus, ut  
in Mar  
tonia: S



re observari poterunt. Absolutè Definitio, causa, & affectio-  
 nes. Definiri potest manna, panis improprius supernatu-  
 ralis, peculiariter à DEO formatus, rotundus & dulcissi-  
 mus, in nutrimentum Israëlitarum per peregrinationis  
 in deserto tempus miraculosè subministratus. Dicitur  
 panis, quia Israëlitis tempore peregrinationis loco panis daba-  
 tur, eosq; pro illo tantisper nutrire debebat, donec ad terram  
 Canaan pervenirent. Improprius, quia materiâ & formâ pro-  
 prii panis, farina & coctione masticabili caruit, proq; illis alius  
 corporis & forma analogiam habuit. V. t. 6. Unde negantur  
 Israëlita pane proprio nempe & communi, cibati esse per tem-  
 pus peregrinationis suæ, Deut. 29. v. 6. Et manna panis per a-  
 nalogiam dicitur. Quod n. in pane proprio farina & consi-  
 stentia coctura est: id in hoc materia incognita & figura con-  
 sistens rotunda, alba & minuta. t. 6. Supernaturalis, quia  
 non vi natura elaborabatur, ut ros aut manna matutinum in  
 Syriâ, Poloniâ, Calabria, Hispania quibusdam paribus, alijsq;  
 regionibus, quod mel ærium & roscidum vocatur, unde colli-  
 gitur cibus, quem apud nos ex Poloniâ advectum Schwaden  
 vocamus. De Syriâ mannâ ad montem Libanum Galenus lib.  
 6. d. alim. De Polonico Co. à Lapide in Exod. 16. v. 21. vi-  
 deantur. Vallesius c. 57. fac. Phil. manna Hebraeorum idem  
 cum hodierno, quod ad usus Medicos colligitur, fuisse putat, quod  
 eadem cum hodierno ejus describatur generatio. Exod. 16. v.  
 14. Num. 11. v. 9. Et quod vim purgandi laxandiq; corpus ob-  
 tinuerit. Num. 21. v. 6. Sed diversitas ex multis apparet.  
 Manna Israëliticum per totum desertum, & ubi Israëlita mo-  
 rabantur, fustum est. Hodiernum tantum in quibusdam Syria  
 locus, ut Libano, colligitur: Hoc per certa tempora defluit, vel  
 in Martio & Aprili, ut in Syriâ, vel in Junio & Julio, ut in Po-  
 lonia: Sed Israëliticum per totum annum quotidie delapsum est.



Illud molle est, lingua impositum liquefcit, ad solem non liquefcit, nec noctu putrescit. Hoc durum fuit, ut molâ & pistillo ad parandas placentulas comminui oportuerit. Illud exiguâ copiâ decidit, ut non aliquot millibus hominum alendus sufficiat: Hoc tantâ copiâ delapsum, ut 60000. homines eo ali potnerint. Illud non alit, nec sanguinem bonum gignit, aut nutrimentum saturitatis prabet, sed medicamentis miscetur, & laxandi vi praeditum est. Hoc aluit sufficienter, & laudabile nutrimentum suppeditavit. Illud naturale est, vi natura usitatoq; modo genitum: Hoc infinitam DEI sapientiam magis illustrat, & solis natura viribus non suppeditatum fuit, secus hodie nûm descenderet, quod non, t. 8. De vi laxandi nil in sacris est. Quod Nu. 21. cibis levisissimus dicitur, ratione contemptus est, quomodo Hebraei rem vilissimam levem dicunt, à הלך quod vilescere notat: non laxationis, q. vi laxandi fuisset praeditus. Nec pro rei veritate ita manna appellavit Israelita, sed iudicij & animi ingrati temeritate.

6. Dicitur ulterius, peculiariter à DEO formatus: quod ab efficiente sumitur, ut ostendatur, non solius nature vi aut naturali modo illum panem generatum, prout hodiernum manna generatur; sed singulari & miraculoso DEI concursu effectum esse. Non merè generaliter DEUS ad hunc panem formandum concurrat, ut ad cetera opera natura solet, qua omnia ab ipso & per ipsum sunt. Rom. 11. v. 36. Sed singulariter & extraordinariè, formando illum mirabili modo, unde emphaticè DEO formatio ejus adscribitur. Exod. 16. v. 15. Sapient. 16. v. 20. Ex materiâ abstrusâ & incognitâ, qua in sacris descripta non est. Nam quod quidam manna ipsum rorem decidentem super castra, Exod. 16. v. 13. fuisse putant, ut Josephus, Greg. Nyssenus, Philo, Tostatus, aliq; contra v. 14. & Nû. 11. v. 9. est, ubi apertissime à rore simul decidente distingui-



tur. Et contra figuram manna ac saporem, Exod. 16. v. 31.  
 Num. 11. v. 7. 8. qua in rore non ita observantur. Ros superne  
 & inferne manna impostus fuit, ut ejus velut tegamentum,  
 vehiculum & lectisternium, quo à sordibus terra & injuriis  
 aëris a. insectorum defenderetur, ut & Rabini ex vetustis tra-  
 ditionibus sentiunt: non autem ipsa substantia manna fuit. Mi-  
 nisteriales causæ Angeli esse potuerunt, quorum operâ DEUS  
 in formando isto pane uti potuit. Quomodo hinc quidam pa-  
 nem Angelorum dictum putant, V. sect. 1. t. 3. Ex Figurâ &  
 sapore rotundum & dulcissimum dicitur. Exod. 16. v. 14.  
 minutum & rotundum dicitur. De minutie ex adjunctâ compa-  
 ratione pruina patet. De rotunditate ambiguum facit obscura  
 vox מַנְּהוּן, semel in sacris occurrens, & per quam variè red-  
 ditâ interpretibus. Quidam per decorticatum, vulgatus q. pi-  
 lo usum, quod decorticatum & folliculus exutum fueris, ac si  
 p̄lo a. molâ cortex tritico auferatur, ut Cor. à Lapid. explicat:  
 Quidam per attenuatum, alij per rotundum, ut Lutherus,  
 Tremellius, Aben Esra, Pagninus, Piscator, Buxtorff.  
 Et verissimum hoc ultimum esse partim cōparatio cum pruina,  
 quam in granula minuta rotundaq. conglobari scimus; partim  
 cum coriandri semine docet, v. 31. & Num: 11. v. 7. quod ro-  
 tundum, eisi non album est, quod de Mannâ simal, tanquam  
 novum quid & insolens, adducitur. Coriandri semen nigrum  
 est. Et malè LXX. instar albi seminis coriandri vertunt. Cum  
 manna coriandro in figurâ & rotunditate comparatur, non co-  
 lore & albedine.

7. Ex sapore dicitur dulcissimus. Dalcedo Exod. 16. v. 31.  
 circumseribitur, quod fueris tanquam lagani seu placenta si-  
 milaginea melle illita, si scilicet crudum & in se citra prapa-  
 rationem comederetur. Præparatum & in placentam coctum  
 saporem placenta oleata habuisse dicitur, Num. 11. v. 8. id est  
 instar



instar prestantissimi ex oleo, quod summum esse Physici disputant. Author libri Sapientiae, omnem ciborum gustum exhibuisse ait, c. 16. v. 20. Quod quidam in ipso manna sapore ponunt, quasi omnis cibi, quem vellent Israelita, sapore continuisse: alij in ejus preparatione agnoscunt, quod quovis modo parari potuerit, ut coqui, assari, frigi, siccari: alij in ipsius substantia mutatione, quasi in ovum, gallinam, mel, saccarum, ad cuiusq; placitum se commutaverit, ut Valentia T. 4. d. 6. q: 3. p. 2. n. 4. Bozsius l. 13. d. not. Eccl. c. ult. Alij aliter. Incerta hac omnia sunt, incerta libri Sapientiae autoritate nixa, & commentis Rabinorum interdum superstructa. Libri Scripturae Canonici nihil de eo habent, & saporem manna ad certum genus restringunt, non in varietate cuiusq; palati, cibi, aut substantiae mutatione, relinquunt. Nec populum desiderium carniū, piscium, aut hortensium ciborum subire potuisset, (quanquam dura cervicis populus esset,) si quemvis saporem aut ipsius substantiae mutationem ita facile in manna habuisset, ut alibi pluribus disputatur.

8. Ex fine ad ultimum dicitur, in nutrimentum Israelitarum per peregrinationis tempus miraculosè subministratus. Finis manna proximus fuit, ut eo cibarentur & saturarentur Israelita. Exod. 16. v. 12. 15. Psal. 78. v. 24. Remotus, partim, ut obedientiam eorum exploraret DEUS, Exod. 16. v. 4. Deut. 8. v. 16. partim, ut gloriam suam manifestaret, Exod. 16. v. 7. quā se & presentem illis, v. 10. 11. 12. Deut. 6. v. 7. & benefecisse illis, ac porro benefacturum esse, v. 8. Deut. 8. v. 16. & omnipotenter quovis promisso ac medio hominem conservare posse, testaretur. Deut. 8. v. 3. Sap. 16. v. 26. Ex tempore subministrati Manna per peregrinationis tempus subministratus cibus dicitur. Capit miraculosè à DEO dari manna Anno primo exitus ex Aegypto, men-




se 2. die 16. Exod. 16. v. 1. Mensis ille partim nostro Aprili,  
partim Majori respondet. Diei tempus innuitur matutinum &  
antelucanum, Exod. 16. v. 13. Quibusdam dies illa prima Sab.  
bathi seu dies Dominica existimatur. Duravit subministrari  
40. annis, quibus peregrinatio in deserto duravit. Exod. 16. v.  
35. Judit. 5. v. 15. Si unus mensis dematur, quo ex Ægypto e-  
gressi in desertum Sin venerunt, ubi Manna subministrari cœ-  
pit. Exod. 16. v. 1. Et cibarijs ex Ægypto allatis interim vixe-  
runt. c. 12. v. 34. 38. 39. Conf. Josephum l. 1. antiq. c. 50  
Desinente farina ex Ægypto allatâ DEUS manna subministravit.

9. Sed, an illo tempore, quo manna cibati sunt, etiam  
aliis cibis usi fuerint, ut carnibus, piscibus, fructibus, quæ-  
ritur? R. Salomon & Josephus c. l. Solo Mannâ cibatos  
faciunt. Et pro pane quidem solum manna habuerunt, alius pa-  
nis ad manus non fuit. Vnde vice panis manna suppedisatur,  
Exod. 16. v. 12. 15. 29. 32. Et panem, vulgarem nempe &  
aliâs usitatum ac vitæ necessarium, per 40. annos non comedisse  
dicuntur. Deut. 29. v. 6. Sed præter manna & carnes in usum  
ciborû adhibuisse coturnices docent, binis mansionibus suppedi-  
tata. Exod. 16. v. 12. 13. Num. 11. v. 31. 32. Accopia pecorum,  
quam ex Ægypto secum duxerunt. Exod. 12. v. 38. Ex quibus  
in escarum usum aliquid interdum absumere nusquam veti-  
tum legimus: & cibus ab Edomitis emere iussus. Deut. 2. v. 6.  
28. & annona, מן, in triduum parari à Josuâ iussa. Jos. 1. v.  
11. Quod de Mannâ facere non licebat, quod singulis diebus  
tantum colligendum erat, (excepto sexto die,) nihil in crasti-  
num reservandum. Exod. 16. v. 19. 21. Et per מן ad iter &  
bellum pertinentia intelligere velle, à significato vocis, quod  
victum ex venatione captum, & interdum omnem cibum no-  
tat, alienum est. Serarius in c. 2. Josuæ p. 2. q. 1. & manna  
hic includi putat, & extraordinariè hoc tempore à putredine




per DEum fuisse servatum, ut & 6. & 7. die Septimana. & in  
 arcâ, Hebr. 9. v. 4. servatum per multos annos miraculose extra  
 corruptionem est. Verum cum Manna ordinariè non duraret,  
 & extraordinariè singulariè miraculo DEum in servando  
 illo cõcurrisset Iosua non memores, haud omisurus, si & hic nova  
 magnos miraculo in principio officij novus ille dux inaugura-  
 tus esset, quale ad conservandum à putredine requiri ipse Se-  
 rar. in c. 5. q. 35. concedit, alios à Mannâ cibos & obsonia cum  
 R. Kimchi, Tostato, Masio, & Walthero d. man. §. 92. a  
 intelligere non est improbabile. Desiji ministrari Manna,  
 cum in terram Canaan venissent Israëlita, in Gilgalis castra  
 metarentur, & frumentis terra istius vescerentur. Jos. 5. v. 10.  
 12. Nempe 16. vel 17. die primi mensis cum ante 40. annos ex  
 Aegypto egressi in terram Canaan possidendam jure intromis-  
 si fuerunt. Exod. 12. v. 6. 41. Rabbini quidam in morte Mo-  
 sis cessasse dari Manna. & quod ab eo tempore collegerunt, mi-  
 raculose ad estivationem frugum Canaan durasse delirant, ap-  
 Serar. in c. 5. Jos. c. 1. Sed nullibi id in sacris scriptum: & mira-  
 cula sine causâ fingere vanitati ingenij humani latas fenestras  
 aperire est, nunquàm feracius luxuriantis, quàm cum fingendis  
 miracullis & extraordinarijs casibus prabetur occasio. Ignoto  
 DEO aras hoc est erigere, ut in simili aliquando loquitur  
 Mendoc. a d. 9. Phyl. §. 23. Josephus l. 3. ant. c. 1. aâhuc in  
 Iudæâ suis temporibus manna istud totâ istâ regione depluisse,  
 & penuriam ciborum supplevisse scribit. Sed scriptura in con-  
 trarium est, cui tutius creditur, quàm Iosepho. Quidam 17.  
 die primi mensis post ingressum Manna cessasse putant, & po-  
 stridiè Jos. 5. v. 12. non de paschidiè paschatis, v. 1. Sed secun-  
 di diei paschatis intelligunt, ut 16. fuerit secundus paschatis.  
 & hujus postridiè 17. quo demùm Manna cessavit. Serar.  
 c. 1. Cujus rationes ibi vide. Res non est  
 magni momenti.











Biblioteka Jagiellońska



stdr0019288



